

Die 14 Novembris

Ss. Nicolai Tavilich et Sociorum, martyrum

Ant. ad introitum

Gaudent in cælis animæ Sanctórum, qui Christi vestigia sunt secúti, et quia pro eius amóre sánguinem suum fuderunt, ideo cum Christo exsultant sine fine.

Collecta

Deus, qui beátum Nicoláum et sócios eius fidei propagándæ zelo et martyrii palma gloriósos effecisti, præsta, quæsumus: ut eórum exémplo et intercessióne, viam mandatórum tuórum currétes, ætérxæ vitæ bravium accíperere mereámur. Per Dóminum.

LECTIO PRIOR

«Hi sunt qui venerunt de tribulatione magna»

Lectio libri Apocalypsis

7, 9-17

In diébus illis:

Vidi turbam magnam quam dinumeráre nemo póterat, ex ómnibus géntibus et tribubus et pópulis et linguis stantes ante thronum et in conspéctu Agni, amícti stolas albas, et palmæ in mánibus eórum; et clamant voce magná dicétes: «Salus Deo nostro qui sedet super thronum, et Agno».

Et omnes Angeli stabant in circúitu throni et Seniórum

et quattuor Animálium, et cecidérunt in conspéctu throni in fácies suas et adoravérunt Deum dicétes: «Amen. Benedictio et glória et sapiéntia et gratiárum áctio et honor et virtus et fortitúdo Deo nostro in sæcula sæculórum: amen».

Et respóndit unus de Senióribus dicens mihi: «Hi qui amícti sunt stolis albis, qui sunt et unde venerunt?» Et dixi illi: «Dómine mi, tu scis». Et dixit mihi: «Hi sunt qui véniunt de tribulatióne magna, et lavérunt stolas suas et dealbavérunt eas in ságuine Agni. Ideo sunt ante thronum Dei et sérviant ei die ac nocte in templo eius et qui sedet in throno habitábit super illos. Non esúrient ámplius, neque sítient ámplius, neque cadet super illos sol neque ullus æstus, quóniam Agnus qui in médio throni est pascet illos et dedúcet eos ad vitæ fontes aquárum et abstérget Deus omnem lácrimam ex óculis eórum».

Verbum Dómini.

PSALMUS RESPONSORIUS

Ps 125, 1-2ab. 2cd-3. 4-5. 6 (R.: 5)

R. Qui séminant in lácrimis, in exsultatióne metent.

- 1 In converténdo Dóminus captivitátem Sion, facti sumus quasi somniátes. Tunc replétum est gáudio os nostrum, et lingua nostra exsultatióne. **R.**
- 2 Tunc dicébant inter gentes: «Magnificávit Dóminus fácere cum eis». Magnificávit Dóminus fácere nobíscum; facti sumus lætántes. **R.**
- 3 Convérte, Dómine, captivitátem nostram, sicut torréntes in Austro. Qui séminant in lácrimis, in exsultatióne metent. **R.**

4 Eúntes ibant et flebant,
semen spargéndum portántes;
veniéntes autem vénient in exsultatióne,
portántes manípulos suos. *R̄.*

ALLELUIA

Iac, 1 ,12

R̄. Alleluia *℣.* Beátus vir qui suffert tentatióne[m], quia cum probátus fúerit accípiet corónam vitæ, quam repromísit Deus diligéntibus se.
R̄. Allelúia.

EVANGELIUM

«Nolite timere eos qui occidunt corpus.»

✠ Lectio sancti Evangélii secúndum Matthæum 10. 28-33

In illo témpore :

Dixit Iesus discíplis suis: «Nolite timére eos qui occidunt corpus, ánimam autem non possunt occidere; sed potius eum timéte qui potest et ánimam et corpus pérdere in gehénna.

Nonne duo pásseres asse véneunt? Et unus ex illis non cadet super terram sine Patre vestro. Vestri autem et capilli cápitis omnes numeráti sunt. Nolíte ergo timére; multis páséribus melióres estis vos.

Omnis ergo qui confitébitur me coram homínibus, confitébor et ego eum coram Patre meo qui est in cælis; qui autem negáverit me coram homínibus, negábo et ego eum coram Patre meo qui est in cælis.»

Verbum Dómini

Super oblata

Clementíssime Deus, múnera hæc tua benedictióne perfúnde;
et nos in ea fide confírma,
quam beátus Nicoláus et sócii mártires,
effúso ságuine, adseruérunt.
Per Christum.

Ant. ad communionem

Mc 8, 35

Qui perdíderit ánimam suam propter me et Evangélium,
salvam fáciat eam, dicit Dóminus.

vel

Io 15, 13

Maiórem caritátem nemo habet, ut ánimam suam ponat quis pro amícis suis, dicit Dóminus.

Post communionem

Unius panis alimónia refécti,
in commemoratióne beátorum mártirum Nicolái et sociórum,
súplices te, Dómine, deprecámur:
ut nos in tua iúgiter caritáte confírmes,
et in novitate vitæ concédas ambuláre.
Per Christum.

IHS